

雪園叢書

雪

園

叢

書

厚安自題



雲南開智公司代印

雲南開智公司代印

大中華民國二年十月初版

雲南開智公司鉛印

每部壹冊

定價龍洋叁角

編輯者 龍門橋雪園

印刷部 雲南開智公司

發行所 省城務本堂

大中華民國二年十月下旬發行

雪園叢書

文甲集

昆明李坤厚安

鷹熊字形聲辨

鷹熊字聲以形誤。故欲辨聲必先辨形。說文隹部雍。雍鳥也。從隹從人。瘖省聲。朱氏駿聲曰。徐氏鍇曰。鷹隨人所指。輓故從人。俗從隹。又加鳥。隹鳥並從。必是俗字。熊部熊。熊獸似豕。山尻冬。蟄從能。炎省聲。段氏玉裁曰。春秋左氏敬嬴。公穀作頃熊。蓋炎熊嬴三字雙聲。蒙按鷹果從隹。隹文必不下加鳥字。觀隹部雞。雛。雕。隹。雝等字。隹文祇作鷄。鷓。鷓。鷓。不更從隹。朱氏以鷹爲俗字。誠俗字也。然謂鷹隨人所指。輓故從人。獨不思犬亦隨人所指。輓。何

以不從人乎。許君以從𠂔爲從瘡之省聲。故解心部應字曰。從心  
雍聲。何以孔子傳易於蒙比未濟卦皆用之。而皆與東冬部之中  
功從窮終字韻乎。熊或段借重言形況。史記天官書歲星熊熊。赤  
色有光。山海經槐江之山。南望崑崙。其光熊熊。注曰。光氣炎盛。相  
焜耀之兒。夫曰赤色曰炎盛。皆狀其光之如火。則熊之從火固然。  
許君謂從炎省聲。段氏謂炎熊羸雙聲。則當收侵覃。否則收耕清  
青。何以雒誥火始燄燄。漢書作庸。左氏文十八年傳仲熊。潛夫論  
五德志作仲雄。皆讀羽弓切。而收東冬乎。苗氏夔曰。雍從𠂔。𠂔省  
聲。炎迺脊譌。後人𠂔作大。故譌成雙火。熊與雍所省之聲迺𠂔。本  
東冬部中字也。故其爲說文聲讀表也。繫脊於𠂔聲下。繫瘡於脊

聲下。繫熊於𠂔省聲下。繫𪔐於𠂔省聲下。正籀作鷹。形既昭。聲自定矣。蓋許君說解。多爲後人所增改。且又多佚字。自𠂔字佚。而後之學者。無從辨。𪔐從疒省。熊從炎省之譌。而徐氏復師心自用。於人部𠂔從人。𠂔聲下。直謂𠂔不成字。當從𪔐省。於舟部𠂔下曰闕。豈知𪔐亦𠂔聲。與鬣部𪔐。木部𪔐。同一音乎。段氏心知其意。故於𪔐下注曰。許併𪔐字。皆𠂔聲。是本有𠂔篆。而佚之。不敢直謂不成字。特不及苗氏悟及。𪔐從併省。𪔐人。𪔐從併譌。佳。熊從𠂔。𪔐火省。𪔐也。朱氏說文通訓定聲。收鷹入臨部。衍音聲。猶沿二徐本說文之舊。而收熊入豐部。衍共聲。謂當從𠂔省聲。又據玉篇。收𠂔入升部。自爲一聲。以統從𠂔之字。與集韻收熊入十六蒸者。同一精審。

惜不知雅迺倂省臙人。收入豐部。又因二徐本說文。雅從瘖省聲之譌。補書雅作小篆。謂卽古文。書雅於下。謂爲或體。又書一篆作臙。謂爲籀文。豈知唐石經作雅。已非籀文作臙之舊矣。况又並人而省之。則此字究從何得聲耶。是皆不若苗氏之精確諦當也。

### 鬼方攷

鬼方見於易者二。旣濟高宗伐鬼方。未濟震用伐鬼方。虞氏翻注曰。坤鬼方也。其見於詩者。覃及鬼方。毛氏傳曰。遠方也。蓋泛指遠方言。猶今謂外洋爲鬼國。非卽殷高宗之所伐也。殷高宗伐鬼方事。惟殷武詠之。其詞曰。撻彼殷武。奮伐荆楚。采入其阻。哀荆之旅。有截其所。湯孫之緒。傳曰。荆楚。荊州之楚國也。采。深哀聚也。經意。

蓋謂聚荆之旅。往截治其所謂伐鬼方。非如箋謂俘荆之旅。整齊其地也。故竹書紀年曰。武丁三十有二祀。伐鬼方。次于荆。其詩下章云。惟汝荆楚。居國南鄉。昔有成湯。自彼氏羌。莫敢不來享。莫敢不來王。曰商是常。呂覽異用篇曰。湯見祝網者。置四面。收其三面。置一面。漢南之國聞之曰。湯之德及禽獸矣。四十國歸之。夫曰四十國。則氏羌在其中。經意蓋謂在昔成湯時。自氏羌訖漢南諸國。莫不來享來王。今又見來享來王。明武丁之能紹先烈也。第鬼方一地。氏羌又一地。觀竹書紀年三十有四祀。王師克鬼方。氏羌來賓。可知鬼方自鬼方。氏羌自氏羌也。自世本陸終氏娶於鬼方。氏宋終注云。鬼方西落鬼戎。于漢則先零戎。於是范蔚宗遂謂易既



濟高宗伐鬼方。卽詩之氐羗。其傳西羗也。則曰殷室中衰。諸侯皆叛。武丁征西戎鬼方。三年乃克。李善注文選趙充國頌。亦引世本注語。謂鬼方于漢則先零戎。先零西羗也。司馬貞五帝紀。北逐葷粥。索隱曰。匈奴別名也。唐虞以上曰山戎。亦曰熏粥。夏曰淳維。殷曰鬼方。周曰玁狁。孟子釋文亦然。或北或西。迄無定論。宋黃氏震謂荆楚卽鬼方。後儒多不謂然。近代陳氏啟源。毛詩稽古編曰。或又謂今貴州本羅施鬼國地。卽古鬼方。未可知也。朱氏右曾詩地理徵曰。詩經類攷云。今貴州有羅鬼夷。未詳。蒙按。愛必達氏黔南識略曰。平遠州有苗曰羅鬼。其州東北接黔西州。有地曰十萬溪。大箐。又有地曰杓裏箐。又有地曰莫隴法地壘。又有地曰比嚨箐。

皆四面山勢峻險。中平廣可容萬人。相傳爲羅鬼。昔日負嶠處。平遠西南百餘里。爲永甯州。州之東六十里紅巖曬甲山。摩崖有碑。新化鄒氏漢助。定爲高宗伐鬼方。還經其地紀功之刻。蓋亦據世本注漢書西羌傳。以鬼方爲先零。故云還經其地也。蒙意高宗伐鬼方。旣克之。將還師紀功之刻。其文曰。佳陪秋。尊齒荆威。虓虓。王迺還。西方酉旅。竭諧東蹈。義幡南由由。按秋。曾同聲。秋迺。曾之段。借佳陪秋。卽維陪曾。言克鬼方也。尊齒荆威。虓虓。卽詩有截其所之事也。王迺還。西方酉旅。漢書地理志。武陵郡有酉陽縣。顏師古注曰。屬荊州。酉古文作酉。碑文作酉。正用古文而消。鄒氏譯爲肉非也。酉州卽酉陽也。高宗來時。哀荆之旅。以從。故荆旅亦謂之酉。

旅從征三年。今乃得還。故竭諧東蹈。竭盡諧稽首。蹈行也。荆楚在鬼方東。故曰東蹈。義幡南由由。幡乃播之段借字。由由與鬯鬯通。亦作狝狝。爾雅注謂之臯羊。出交廣。言既克鬼方。義刑義殺之聲。南播於出鬯鬯之地。猶成湯解網。而氏羌來賓也。鄒氏譯字頗精。而訓詁嫌鑿。因就所譯者。據漢書說文。薛尚功鐘鼎款識。重絕字。讀而更訓之。覺文與詩易。皆互相發明。確爲高宗克鬼方將還師紀功之刻。而鬼方之卽羅施鬼國羅鬼夷。復何疑哉。夫商都亳。卽今河南歸德府。如伐先零。當道陝西甘肅。今日次於湖南。復由湖南而黔。而滇。而喀木西藏。乃至其地。事竣仍從此道還。河南意古。必無是事。武丁伐貴州羅鬼夷。故師次湖南。貴州地處西南。故虞

氏曰坤爲鬼方。古羅鬼夷蔓延極廣。羅平尋甸尙多遺種。則滇之邊徼亦有屬商之鬼方者也。

化而裁之謂之變。推而行之謂之通。舉而措之天下之民謂之事業義。

天道不變通。則不能爲雨露風霆。而資萬物之始。地道不變通。則不能爲原隰畎澮。而資萬物之生。人道不變通。則不能爲制度典章。以成一代之治。故變鮮食爲艱食。通之九域。無有不播百穀者。稷遂因之。世農官而爲千古養民者。立之準也。變狃獠爲親睦。通之百姓。無有不率五教者。契遂因之。開文化而爲千古教民者。作之則也。向使拘墟而未化。故步以自封。穀飲鶉居。瞋行瞑視。則終

古一未闢之鴻濛已耳。烏有所謂中天之景運哉。知乎此可與言大易變通事業之謂矣。今夫易之爲書也。天道與人道兼言之。故欲明人道。必先明天道。向所謂一闔一闢謂之變。往來不窮謂之通者。此天道之變通也。天道既有此變通。人道又胡可拘滯。古聖王知其然也。故於人之道。亦象天道而變通之。而又非託諸空言也。必使所因革損益者。一一皆見諸行事。其斯爲善易者哉。世儒不察。動稱則古。而實爲泥古。每語守先。而卒至蔑先。一利也。必當興。而彼則曰。吾先民未有作。姑謙讓而不違也。一弊也。必當去。而彼則曰。吾先君莫之行。姑沿習而不易也。因仍苟簡。襲謬沿訛。而猶曰。吾則古。吾守先也。勢不至使古先遺意。漸滅殆盡不止。易之

爲教當不其然。易之所謂變者。非盡背古先而從後起也。特古先有或偏者。化其偏而裁之使正。古先有或畸者。化其畸而裁之使平。雖迹象有改作。而矩矱無違背。凡以期其行而已。然未敢遽必其行也。試推而行之。不行則又化之裁之。不至於行不止。夫是謂之通也。然能事卽於是畢乎。猶未也。變以能推行舉措爲至。通以極天下之民爲量。必也使五方無或阻之聲教。四裔無不慕之華風。定萬國之憲典。大一統之車書。而後謂之事業也。彼迂拘而未通貫。重心性而薄事功者。又烏足以語此哉。

對金滕問

金滕我之弗辟。鄭氏曰。避謂避居言。我今不避孺子而去。我先王

有謙讓之德。我反有欲位之謗。無以告於先王。言媿無辭也。孔氏曰。辟法也。告召公太公。言我不以法法三叔。則我無以成周道。告我先王。世多以孔傳爲梅賾僞作。不之從。從史記之真古文。第讀魯世家者。僉謂鄭氏惟讀辟如避。合古文。餘皆異。蓋亦從鄭氏讀辟如避。蒙以爲非也。說文辟部。辟治也。從辟井。周書曰。我之不辟。許君叙稱書孔氏。則許君亦受真古文者。不應與史公異。可知魯世家亦訓治而不讀作避也。按益稷載舜之言曰。庶頑讒說。若不在時。侯以明之。撻以記之。書用識哉。欲並生哉。工以納言。時而颺之。格則承之。庸之。否則威之。是古原有治流言之罪者。管蔡流言。周公不卽往治之。意者武王初喪。成王尙幼。釁生骨肉。易召外侮。

宗輔遠出。內變滋生。故不欲以小故弛其大綱。善夫魯世家云。我之所以弗辟。而攝行政者。恐天下畔周。無以告我先王。太王。王季。文王。三王之憂勞天下也久矣。於今而後成。語雖有所增益。甚合經旨。惜世多沿鄭讀辟如避。義非不通也。如懿說文。何蒙以爲經說從馬。字說從許。

七月之詩。四時皆備。獨無三月。或謂生物之時。舉日成物之時。舉月解。

孔沖遠因四月秀萋箋。有物成自秀萋始語。於是傳一之。至寒氣下正義云。稱月者。由於物成。知稱日由其物生也。王介甫踵之。因亦有陽生言日。陰生言月之說。毛西河寫官記。力主是說。有以四



月秀夔難者。毛對以四月巳月也。巳者承陽而首陰。故稱日。可始於子而迄於巳。稱月則又可始於巳而迄於亥。又有以不言五之日難者。毛對曰。偶不及之耳。惟其然。故亦無稱三月者。近世俞蔭甫欲申其說。謂蠶月者。夏之三月。以周正數之。則五之日也。不言五之日者。以篇中有五月也。不言三月者。以篇中有三之日也。因取物候有定者紀之。而曰蠶月。蒙以爲皆非也。箋以秀夔爲物成。獨不思祭非非物成乎。何以四之日不稱二月也。箋說已不合經旨。而何論正義。陰陽正義之說。介甫亦聞之。沖遠然折以四月稱月。五之日不言日。雖辯如西河。已不免其辭之遁。况曲園乎。不觀經言四之日。原不嫌篇中有四月也。然則不言三月者何。曰。文公